



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Prot. n.11989

ORDINÀNTZIA N. 48 DE SU 15 DE
SANTUGAINE DE SU 2020

Ogetu: Àteras mesuras istraordinàrias e urgentes de cuntrastu e preventzione de s'isparghidura de s'epidemia dae COVID-2019 in su territòriu regionale de sa Sardigna. Ordinàntzia cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos.

SU PRESIDENTE

- BIDU s'art. 32 de sa Costituzione;
- BIDU S'Istatutu Ispetziale pro sa Sardigna e sas normas de atuatzione relativas;
- BIDA sa lege regionale 7 de ghenàrgiu de su 1977, n. 1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n. 833 chi cuntenit "Istituzione de su servìtziu sanitàriu nazionale" e in particolare s'art. 32 chi disponet "*Su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia perlongada a totu su territòriu nazionale o a parte de issu chi cumprendet prus regiones*", e puru "*in sas matessis matèrias sunt emìtidas dae su Presidente de sa giunta regionale e dae su Sindigu ordinàntzias de caràtere contingibile e urgente, cun eficàtzia perlongada a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDU s'art. 191 de su D. Lgs. n.152/2006, su cale cunsentit, si in casu mai si verificent situatziones de netzessidade etzetzionale e urgente de tutela de sa salute pùblica e de s'ambiente, a su Presidente de sa Giunta regionale, pro cantu de cumpetèntzia, de emìtere ordinàntzias contingibiles e urgentes pro cunsentire su ricursu temporàneu a



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

formas ispetziales de gestione de sos refudos, puru in dèroga a sas dispositziones vigentes, garantende unu livellu artu de tutela de sa salute e de s'ambiente;

- BIDA sa declaratzione de s'Organizatzione mundiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevàntzia internatzionale;
- BIDA sa delibera de su Consìgiu de sos Ministros de su 31 de ghennàrgiu de su 2020 chi cuntenit "*Declaratzione de s'istadu de emergèntzia in cunsighèntzia de s'arriscu sanitàriu cunnessu a s'isvilupu de patologias chi derivant dae agentes virales trasmissibiles*";
- BIDA s'ordinàntzia de su Capu de su Dipartimentu de sa Protetzione Tzivile n. 630 de su 3 de freàrgiu de su 2020, chi cuntenit "*Primos interventos urgentes de Protetzione Tzivile in relatzione a s'emergèntzia relativa a s'arriscu sanitàriu cunnessu a s'isvilupu de patologias chi derivant dae agentes virales trasmissibiles*";
- BIDU su decretu-lege 23 de freàrgiu de su 2020, n. 6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae COVID-19*", mudadu, cun modificatziones, dae sa lege 5 de martzu de su 2020, n. 13, posca abrogadu dae su decretu-lege n.19 de su 2020 francu s'art. 3, comma 6-bis, e s'art. 4;
- BIDU su decretu de su Capu de su Dipartimentu de sa protetzione tzivile n. 627 de su 27 de freàrgiu de su 2020 chi nòminat su Presidente de sa Regione Sardinia, sugetu atuadore de sos interventos segundu s'OCDPC 630/2020;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege 17 de martzu de su 2020, n.18, chi cuntenit "*Mesuras de afortigamentu de su servitziu sanitàriu natzionale e de sustennu econòmicu pro familias, traballadores e impresas cunnessas a s'emergèntzia epidemiològica dae COVID-19*", mudadu, cun modificas, cun sa lege 24 de abriale de su 2020, n. 27;



- BIDA sa deliberatzione de sa Giunta regionale n. 13/25 de su 17 de martzu de su 2020 chi cuntenit "*Coordinamentu de sos interventos urgentes e de sos servitzios de sucursu in cunsighèntzia de s'arriscu sanitàriu cunnessu a s'isvilupu de patologias chi derivant dae agentes virales trasmissibiles. Declaratzione de s'istadu de emergèntzia de rilievu regionale segundu su comma 4 de s'art. 7 de sa L.R. n. 3/1989, comente cambiadu dae s'art. 3 de sa L.R. n. 9/2020*";
- BIDU su decretu-lege 25 de martzu de su 2020, n. 19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege 22 de maju de su 2020, n. 35 e modificadu a manera ulteriore dae su D.L. n. 83/2020, in particolare sos articulos 1 e 2, comma 1;
- BIDU su decretu lege 16 de maju de su 2020, n. 33 chi cuntenit "*Àteras mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, cun sa lege 14 de trìulas de su 2020, n. 74 e modificadu a manera ulteriore dae su D.L. n. 83/2020;
- BIDU su decretu lege 19 de maju de su 2020, n. 34 "*Mesuras urgentes in matèria de salute, sustennu a su traballu e a s'economia, e puru de políticas sotziales cunnessas a s'emergèntzia epidemiològica dae COVID-19*", mudadu, cun modificas, cun sa lege 17 de trìulas de su 2020, n. 77;
- BIDU su decretu lege 30 de trìulas de su 2020, n.83 "*Mesuras urgentes cunnessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020*" cun su cale si disponet sa pròroga de s'istadu de emergèntzia a su 15 de santugaine de su 2020;
- BIDA sa deliberatzione n.45/3 de s'8 de cabudanni de su 2020 cun sa cale sa Giunta regionale at istabilidu "*de approvare chi sas mesuras segundu sa deliberatzione de sa Giunta regionale n. 13/25 de su 17 de martzu de su 2020 sunt ativas finas a sa fine de s'istadu de emergèntzia nazionale declaradu in cunforma a s'articulu 24 de su D.Lgs. n. 1/2018, in cunsighèntzia de s'arriscu sanitàriu cunnessu a s'isvilupu de patologias chi derivant dae agentes virales trasmissibiles, istabilidos in sa setziada de su Consighiu de sos Ministros de su 29 de trìulas de su 2020*";



- BIDU su decretu-lege 7 de santugaine de su 2020, n. 125, chi cuntenit “Mesuras urgentes cunnessas cun sa pròroga de sa declaratzione de s’istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s’atuatzione de sa diretiva (UE) 2020/739 de su 3 de làmpadas de su 2020”, cun sa cale si disponet tra sas àteras cosas sa pròroga de s’istadu de emergèntzia a su 31 de ghennàrgiu de su 2021;
- BIDU su documentu chi cuntenit sas “*Primas indicatziones generales pro sa gestione de sos refudos – Emergèntzia COVID-19*”, aprovadas dae su Consìgiu de su Sistema Natzionale pro sa Protetzione de s’Ambiente de su 23.3.2020, cun su cale benint formuladas unos cantos consideros subra de su tratamentu de sos refudos urbanos in Itàlia durante s’emergèntzia dèvida a s’epidemia in argumentu;
- BIDA sa tzirculare n. 22276 de su 30.3.2020 de su Ministèriu de s’Ambiente e de sa Tutela de su Territòriu e de su Mare chi cuntenit “*Critizidades in sa gestione de sos refudos pro efetu de s’Emergèntzia COVID 19 – indicatziones*”, in sa cale, pro cunsentire a sos impiantios sa gestione de càrrigos eventuales, cun s’arriscu cuncretu de s’interruzione de su servìtziu, sunt istadas dadas indicatziones a sas Regiones e Provintzias autònomas chi diant a seberare s’istumentu de s’ordinàntzia contingibile e urgente ex art. 191, D. Lgs. n. 152/2006, pro disciplinare formas ispetziales de gestione de sos refudos in su territòriu pròpiu;
- BIDAS sas ordinàntzias contingibiles e urgentes de su Presidente de sa Regione Sardigna, in cunforma a s’art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica;
- BIDA in particolare, s’ordinàntzia n.16 de su 3 de aprile de su 2020 chi cuntenit “*Àteras mesuras istraordinàrias urgentes de cuntrastu e preventzione de s’isparghidura epidemiològica dae COVID-2019 in su territòriu regionale de sa Sardigna. Ordinàntzia in cunforma a s’art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos*”; cun tale ordinàntzia, emìtida in cunforma a s’art. 32 de sa lege n. 833/78 e de s’art. 191 de su D. Lgs. n. 152/2006 e chi at balididade finas a su 31 de triulas de su 2020, sunt istadas collidas sas indicatziones de su Ministèriu de s’Ambiente e de sa Tutela de su Territòriu e de su Mare;



- BIDU** su Raportu ISS COVID-19 n. 3/2020 rev. 2 in sa versione a su 31.5.2020, chi cuntenit "*Indicatziones ad interim pro sa gestione de sos refudos urbanos in relatzione a sa trasmissione de s'infetzione dae virus SARS-CoV-2*", cun su cale s'Istitutu Superiore de Sanidade at individuadu ispetzificas modalidades gestionales pro sa regorta de sos refudos urbanos produidos dae sas pessones positivas a su tampone o in barantena obligatòria;
- BIDA** s'ordinàntzia de su Presidente de sa Regione Sardinia n. 44 de su 22 de cabudanni de su 2020 chi cuntenit "*Àteras mesuras istraordinàrias urgentes de cuntrastu e preventzione de s'isparghidura epidemiològica dae COVID-2019 in su territòriu regionale de sa Sardinia. Ordinàntzia in cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica. Dispositziones pro sa gestione de sos refudos urbanos*", chi at eficàtzia finas a su 15 de santugaine de su 2020;
- CUNSIDERADU** s'isvilupu de sa situatzione epidemiològica, su caràtere a manera particulare isparghidore de s'epidemia e s'andamentu de sos casos in su territòriu natzionale;
- RILEVADU** chi sa curva de cuntàgiu s'est artziada in Sardinia in sas primas dies de su mese de austu in cointzidèntzia cun su flussu turisticu de gentòria meda, aende sa Regione Sardinia cuntènnidu s'isparghidura de su virus cun unu nùmeru de cuntàgios atzertados a curztu a su zero finas a totu su mese de triulas de su 2020;
- CUNSIDERADU** chi tale situatzione epidemiològica at efetos evidentes subra de sa gestione de sos refudos urbanos in totu su territòriu regionale;
- APRETZIADU** netzessàriu garantire sa sighida de su servìtziu de gestione de sos refudos urbanos in su territòriu regionale, tratende si de servìtziu pùblicu essentziale;
- APRETZIADU** de dèvere prorogare s'eficàtzia de s'ordinàntzia n. 44 de su 22 de cabudanni de su 2020, finas a su 31 de ghenàrgiu de su 2021 in coerèntzia cun cantu dispostu dae su decretu-lege 7 de santugaine de su 2020, n. 125;
- CUNSIDERADU** chi s'art. 6 de s'ordinàntzia n. 44 de su 22 de cabudanni de su 2020 disponet tra sas àteras cosas chi "*Sos refudos urbanos produidos in sas domos in ue sunt presentes sugetos positivos a su tampone, in isolamentu o in barantena obligatòria ant a dèvere èssere a manera prioritària tratados in su*



SU PRESIDENTE

termovalorizadore de Macchiareddu subra de sa base de cronoprogramma ispetzificu de cuncordare intre su gestore de su matessi termovalorizadore e su Comune cunferidore o s'impiantu eventuale de prima destinazione a servitziu de su batzinu territoriale de appartenèntzia";

- LEADU ATU de sa nota n. 6637 de su 18.9.2020 cun sa cale su Consòrtziu industriale provintziale de Casteddu at comunicadu s'interruzione, finas a su 31 de ghennàrgiu de su 2021, de su servitziu de termovalorizazione de sos refudos urbanos pro more de s'aviu de sos traballos de ristrutturazione de s'impiantu de Macchiareddu;
- BIDA s'ordinàntzia n. 2 de su 12.10.2020 chi cuntenit "Ordinàntzia contingibile e urgente pro su cunferimentu de refudos urbanos in discàrriga pro refudos non perigosos a pustis de sa firmada de s'impiantu de termovalorizazione de Macchiareddu. Art. 191 de su D. Lgs. n. 152/2006";
- APRETIADU netzessàriu modificare s'art. 6 de s'ordinàntzia n. 44 de su 22 de cabudanni de su 2020 sende gasi s'ordinàntzia n. 2 de su 12.10.2020;
- DADU ATU chi s'ordinàntzia presente est emitida in cunforma a s'art. 32 de sa lege n. 833/78 e de s'art. 191 de su D. Lgs. n. 152/2006;
- INTESOS sos *Diretores Generales de sa Presidèntzia*, de sa Protetzione Tzivile, de sa Difesa de s'Ambiente e de sa Sanidade;

ÒRDINAT

- ART. 1) S'art. 6 de s'ordinàntzia n. 44 de su 22 de cabudanni de su 2020 est gasi modificadu
- "Sos refudos urbanos produidos in sas domos in ue sunt presentes sugetos positivos a su tampone, in isolamentu o in barantena obligatòria ant a dèvere èssere cunferidos in sos impiantios TMB (es. tratamentu mecànicu, mecànicu-biològicu o biològicu-mecànicu), chi semper e cando non devent providire perunu tipu de operatzione manuale subra de custos refudos, o puru a manera dereta in discàrriga.
- In su casu de cunferimentu in discàrriga su gestore de s'impiantu at a dèvere assicurare s'isterilizatzione de su refudu ossiat, in dèroga a s'art. 7 de su D.Lgs. n. 36/2003, unu tratamentu chi cumprandat:
- a) inserta de sos sachitos intreos a in intro de apòsitas *big-bags* (bursas mannas) omologadas e tzertificadas, chi ant carateristicas de resistèntzia adeguadas pro garantire sa



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

siguresa in su trasportu e in s'istocàgiu de sos matessis in modu de evitare cale si siat foressida de su materiale;

- b) cunfinamentu de sos refudos *de quibus* in zonas dedicadas de sa discàrriga;
- c) cobertura fitiana cun materiale idòneu in gradu de evitare isperdiduras e de cuntènnere sas infiltratziones de abba meteòrica”.

ART. 2) Sa balidade de s'ordinàntzia n.44 de su 22 de cabudanni de su 2020 est prorogada finas a su 31 de ghennàrgiu de su 2021, cun sas modìficas segundu su pretzedente artìculu 1.

ART. 3) S'ordinàntzia presente:

- est eficatze a manera immediata e est publicada in su situ istituzionale de sa Regione. Sa publicatzione at balore de notifica individuale, a totu sos efetos de lege, in sos cunfrontos de totu sos suetos interessados;
- benit trasmitida segundu sas cumpetèntzias respetivas a su Presidente de su Consìgiu de sos Ministros, a su Ministru de s'Ambiente, a su Ministru de sa Salute, a sos amministradores de sas provìntzias de su territòriu regionale, a su Sìndigu Metropolitanu de Casteddu, a sos Sìndigos de sos Comunes de sa Sardigna, a sos Prefetos de sos Ufìtzios territoriales de governu de sa Sardigna, a sos Assessoros regionales e a sos àteros suetos interessados.

Franco chi su fatu non costituit reatu prus grae, sa no osservàntzia de sos òbligos segundu s'ordinàntzia presente est santzionada comente pro lege (art. 4 de su D.L. n. 19 de su 25 de martzu de su 2020).

Contra a s'ordinàntzia presente est ammitidu ricursu giurisdizionale a dae in antis de su Tribunale Amministrativu Regionale in su tèrmine de 60 dies dae sa comunicatzione, ossiàt ricursu istraordinàriu a su Capu de s'Istadu, intro de su tèrmine de 120 dies.

Christian Solinas



CHRISTIAN
SOLINAS
REGIONE
AUTONOMA DELLA
SARDEGNA -
SISTEMA REGIONE
15.10.2020
18:24:23 UTC

[Traduzione dee s'operadora de s'isportellu de Pàdria](#)

Maria Leonarda Correddu